



UNIVERSITÄTS-
BIBLIOTHEK
PADERBORN

Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Prima Conclusio. Corpora cœlestia agunt, & imprimunt in hæc inferiora.

urn:nbn:de:hbz:466:1-41113

446 COMMENT. IN TIT. C.

matici dicti sunt: hęc ibi. Ad idem facit illa lex
CC. Honorij & Theodosij in L. Mathematicos.
C. de Episcop. audien. Mathematicos, nisi
parati sint, codicibus erroris proprij, sub oculis
Episcoporum incendio concrematis, Ca-
tholicę religionis cultui fidem tradere, nun-
quam ad errorem primum redituri, non so-
lum vrbe Roma, sed etiam omnibus ciuitati-
bus pelli decernimus. Nunc pro latiori intel-
ligentia dictæ L. aliqua sunt quærenda.

QV AESTI O. I.

*An corpora cœlestia agant in hac in-
feriora?*

Hac quæstione resoluta facilè pate-
bit, ad quæ Mathematica & Astrologia
se extendant.

Prima Conclusio. *Corpora cœlestia
agunt, & imprimunt in hac inferiora.*

S. Augustin. lib. 3. de Trinitat. cap. 4. Cor-
pora crassiora & inferiora per subtiliora
& potentiora quodam ordine reguntur, &
D. Dionysius in 4. cap. de diuinis nomini-
bus: Lumen solis ad generationem sensibili-
um corporum confert, & ad vitam ipsa mo-
uet, & nutrit, & auget, & perficit. S. Thomas
I. part.

1. part. q. 115. arti. 3. S. Bonavent. in 2. d. 14. part.
vlt. & alij Theologi ibidem, & Aristoteles lib.
2. degenerat. tradit. Solem, per accessum & re-
cessum esse caussam generationum, corrup-
tionum, aliarumq; variationum, quæ in his
inferioribus fiunt.

Secunda Conclusio. *Corpora cœlestia*
non habent actionem ullam in creaturas
pure spirituales, id est, in Angelos & Dæ-
mones.

QVIA corpora cœlestia sunt inferiora sp̄i-
ritualibus creaturis. Inferiora autem
non agunt in superiora, vt docent S. August.
lib. 12. super Genes. cap. 16. S. Thom. 1. par. q. d.
artic. 5.

Tertia Conclusio. *Nullum cœlorum*
cogit hominis arbitrium,

S. Thom. 1. 2. q. 9. art. 5. & loc. cit. art. 4. & 6. S.
Bonavent. in 2. d. 24. part. vlt. q. 3. Damasc.
lib. 2. de fide Orthod. cap. 6. & alij in 2. d. 14.
Turrecr. in 26. q. 2. can. Illos. Probatur ratio-
ne: Sic cœlum cogeret liberum arbitrium: su-
perius subderetur inferiori. Homo enim est
superior cœlo & stellis, homo autem non est
propter astra, sed astra propter hominē facta
sunt. Præterea, si cogeretur voluntas ab astris,
nec esset consilium, nec quid dignum pœna,
aut præmio.

Quarta